



**ბუღალტრული აღრიცხვის,
ანგარიშგებისა და აუდიტის
ზედამხედველობის სამსახური**

15 აპრილი 2024



N 237

ქ. თბილისი

ბ რ ძ ა ნ ე ბ ა

**საქმიანობის ინდივიდუალურად განმახორციელებელი აუდიტორის - გალაქტიონ შანიძის
ხარისხის მართვის სისტემის სრული (კომპლექსური) მონიტორინგის დაწყების თაობაზე**

გალაქტიონ შანიძე (პ/ნ 01007000125, იურიდიული მის.: სამტრედია, კაკაბაძის ქ №5) აუდიტორების/აუდიტორული (აუდიტური) ფირმების სახელმწიფო რეესტრში რეგისტრირებულია სარეგისტრაციო ნომრით SARAS-A-295066.

„ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის (შემდგომში - კანონი) მე-19 მუხლის მე-9 პუნქტის თანახმად, ხარისხის მართვის სისტემის მონიტორინგი (შემდგომში - მონიტორინგი), გარდა ამ მუხლის მე-7 პუნქტით გათვალისწინებული შემთხვევისა, უნდა განხორციელდეს არაუმეტეს 6 წელიწადში ერთხელ აუდიტორებისათვის/აუდიტორული ფირმებისათვის და არაუმეტეს 3 წელიწადში ერთხელ იმ აუდიტორებისათვის/აუდიტორული ფირმებისათვის, რომლებიც სდპ-ების და პირველი კატეგორიის საწარმოების აუდიტს ატარებენ.

„ხარისხის მართვის სისტემის მონიტორინგის განხორციელების წესის შესახებ“ ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის 2017 წლის 12 ივლისის N6-9 ბრძანებით დამტკიცებული წესის (შემდგომში - წესი) მე-5 მუხლის შესაბამისად, აუდიტორისათვის და აუდიტორული ფირმისათვის თავდაპირველი მონიტორინგის განხორციელების თარიღის ვადის ათვლა იწყება რეესტრში რეგისტრაციის მომდევნო დღიდან, ხოლო ყოველი განმეორებითი მონიტორინგის განხორციელების თარიღის ვადის ათვლა ხდება მონიტორინგის შედეგების შესახებ სამსახურის გადაწყვეტილების მიღების მომდევნო დღიდან.

კანონის მე-19 მუხლის მე-7 პუნქტისა და წესის მე-6 მუხლის პირველი პუნქტის შესაბამისად, სამსახური უფლებამოსილია, საკუთარი ინიციატივით, მონიტორინგის განხორციელება დაიწყოს კანონით განსაზღვრული ვადებისაგან განსხვავებულ ვადებში, რისკზე დამყარებული მიდგომის საფუძველზე აღმოჩენილი გარემოების (მათ შორის, წინა მონიტორინგის შედეგების ან/და სამსახურის ზემოაღნიშნული 2017 წლის 12 ივლისის N6-9 ბრძანებით დამტკიცებული დანართი №4-ის საფუძველზე წარმოდგენილი ინფორმაციის დამუშავების საფუძველზე) ან/და სამსახურისათვის წარდგენილი წერილის ან/და საჩივრის ან/და მაღალი საზოგადოებრივი ინტერესის არსებობისას.

კანონის მე-2 მუხლის პირველი პუნქტის „ჭ“ ქვეპუნქტის თანახმად, ხარისხის მართვის სისტემის მონიტორინგი არის აუდიტორის/აუდიტორული ფირმის მიერ გამოყენებული პროცედურების აუდიტის, მიმოხილვის, სხვა მარწმუნებელი გარიგებებისა და დაკავშირებული მომსახურების საერთაშორისო სტანდარტებთან და ამ კანონით დადგენილ მოთხოვნებთან შესაბამისობის, ეთიკის წესების დაცვის, გამოყენებული რესურსების ხარისხისა და რაოდენობის, აუდიტორული საქმიანობის (მომსახურების) განხორციელებისათვის მიღებული ანაზღაურების მართლზომიერების და ხარისხის მართვის სისტემის შეფასება.

კანონის მე-19 მუხლის მე-9 პუნქტის, წესის მე-4 მუხლის მე-2 პუნქტის „ა“ ქვეპუნქტისა და მე-5 მუხლის საფუძველზე, იწყება საქმიანობის ინდივიდუალურად განმახორციელებელი აუდიტორის - გალაქტიონ შანიძის (პ/ნ 01007000125, სარეგისტრაციო ნომერი SARAS-A-295066) ხარისხის მართვის სისტემის მონიტორინგი. წესის მე-4

მუხლის პირველი პუნქტის „ა“ და „ბ“ ქვეპუნქტების შესაბამისად, მონიტორინგს ექვემდებარება: აუდიტორი; აუდიტორი, რომელიც აუდიტორულ მომსახურებას უწევდა ან/და უწევს საჯარო სამართლის იურიდიულ პირს, ადგილობრივ თვითმმართველობის ორგანოსა და სხვა პირს, რომელთათვისაც შესაბამისი კანონმდებლობით დადგენილია ფინანსური ანგარიშგების აუდიტის ან საქმიანობის დამოუკიდებელი აუდიტის ჩატარების მოთხოვნა.

წესის მე-12 მუხლის მოთხოვნათა დაცვით, მონიტორინგის სამუშაო ჯგუფი შედგება შემდეგი ინსპექტორებისგან:

1. ავთანდილ სანიკიძე - მონიტორინგის სამუშაო ჯგუფის ხელმძღვანელი;
2. თორნიკე ძაგნიძე;
3. ნინო თომაძე;
4. ია გამყრელიძე;
5. ნინო სულდაძე;
6. დავით სხილაძე.

კანონის მე-19 მუხლის მე-9 პუნქტის, წესის მე-4 მუხლის მე-2 პუნქტის „ა“ ქვეპუნქტის, ამავე წესის მე-5 მუხლისა და სამსახურის აუდიტისა და პროფესიული განათლების ზედამხედველობის დეპარტამენტის 2024 წლის 15 აპრილის N35225-16 მოხსენებითი ბარათის საფუძველზე,

ვ ბ რ ძ ა ნ ე ბ:

1. ბუღალტრული აღრიცხვის, ანგარიშგებისა და აუდიტის ზედამხედველობის სამსახურმა დაიწყო საქმიანობის ინდივიდუალურად განმახორციელებელი აუდიტორის - გალაქტიონ შანიძის (პ/ნ 01007000125, სარეგისტრაციო ნომერი SARAS-A-295066) ხარისხის მართვის სისტემის მონიტორინგი;

2. ბრძანება გაეგზავნოს გალაქტიონ შანიძეს;

3. ბრძანება შეიძლება გასაჩივრდეს გაცნობიდან ერთი თვის ვადაში ბუღალტრული აღრიცხვის, ანგარიშგებისა და აუდიტის საბჭოში (მის: ქ. თბილისი, გორგასლის ქ. N16) ან თბილისის საქალაქო სასამართლოში (მის: ქ. თბილისი, დ. აღმაშენებლის ხეივანი N64).

ნათელა გლოველი

სამსახურის უფროსი - მ.შ.

ბუღალტრული აღრიცხვის, ანგარიშგებისა და აუდიტის ზედამხედველობის სამსახური

<https://edoc.mof.ge/public/#/237-16-4-202404151629>

